



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბარი

ბარი, ქართული (აჭარული) ხალხური საფერხულო წყობის ცეკვა-თამაში, რ-შიც მონაწილეობენ მხოლოდ მამაკაცები. ისინი ხელიხელჩაკიდებულები ეწყობიან ერთ მწკრივში. მწკრივის თავში მდგომს (მეთაურს ხელში ჯოხი უჭირავს. ცეკვა-თამაშის ყველა მონაწილე მოძრაობს და უსიტყვოდ იმეორებს იმ საცეკვაო ილეთებს (სვლა, სირბილი, ჩაკვრა, ჩამუხვლა, ბუქნი და სხვ.), რ-საც სთავაზობს მეთაური. თუ რომელიმე მათგანმა შეიგვიანა ან შეცდომით შეასრულა მეთაურის ნაკარნახევი მოძრაობა, ჯოხის დაკვრით ისჯება. აღწერილი ცეკვა-თამაში „ბ-ის“ სახელწოდებით უმთავრესად ხულოს მუნიციპ. გვხვდება. ხიხაძირში მას „ოპიო ნანო“ ჰქვია, მესხეთში – „ლალოინი“. ბ-ს ხშირად ქორწილში ცეკვავდნენ მიძინებული მაცრიონის გამოსაფხიზლებლად.

ა. თათარაძე
